

## Gergei: Ativu su servìtziu nou de acòstiu digitali

Su Comunu de Gergei, paris cun is Comunas de Iscroca e Serri, est intrau comente cabufila in unu progetu de facilitatzioni digitali finantziau de sa RAS cun fundus P.N.R.R., Misura 1.7.2 “Retza de servìtzios de facilitatzioni digitali”. Si fueddat de unu servìtziu gratùitu destinau a totu is citadinus in edadi majori numenau “Punto Digitale Facile”

### CANDU EST OBERTU?

Is tres comunas ant a tènniri su servìtziu ativu de su 24 de martzu a su 31 de mesi de idas de su 2025 e ant a tènniri custus oràrius:

|          |         |               |                    |
|----------|---------|---------------|--------------------|
| Lunis    | Gergei  | Domu Comunali | 08 - 13            |
| Martis   | Serri   | Domu Comunali | 09 - 13            |
| Mércuris | Gergei  | Domu Comunali | 09 - 13<br>15 - 18 |
| Giòbia   | Iscroca | Domu Comunali | 09 - 13            |
| Cenàbura | Gergei  | Domu Comunali | 09 - 13            |

### COMENTI FUNZIONAT?

Andendi a s’ufitziu digitali, su citadinu at a agatai unu operatori specializau e capassu de agiudai sa genti a umperai is servìtzios in lìnia, arricendi assisténtzia gratùita e personalizada ma fintzas formatzioni in contu de servìtzios e tennologias digitalis. S’at a pòdiri atvai s’identidadi digitali, scobèrriri is vantàgius de is servìtzios pùblicos digitalis, imparai a umperai is tennologias noas e naigai in sa retza Internet cun facilitadadi.

Non feti. Essendu unu servìtziu personalizau, ònnia citadinu at a èssiri ghiau cunformas a is cumpeténtzias suas de incumentzu e acumpangiau fàcias a s’autonomia in s’impreu de sa retza, de is tennologias digitalis, de is servìtzios digitalis pùblicos e privaus.

Is atividadis portadas ainnantis de is sportellus de facilitatzioni digitali sighint unu quadru europeu de arreferimentu, su DigComp, chi previdit:

sa formatzioni/assisténtzia personalizada individuali (numenada “facilitatzioni”), donada segundu sistema de prenotatzioni o a sportellu, po acumpangiai is citadinus in s’impreu de Internet, de is tennologias e de is servìtzios digitalis pùblicos e privaus, movendi de is esigéntzias specifìcas e de is cumpeténtzias de incumentzu de onniunu;

sa formatzioni in lìnia, fintzas cun possibilitadadi de imparu de sei e imparu a segus, promovendi s’impreu autònomu de is materialis chi funt a disponimentu in su catàlogu de is resursas formativas in su situ de “Repubblica Digitale” o puru pesaus cun percursus personalizaus;

sa formatzioni in grupus (in preséntzia o in lìnia) po mèdiu de cursus piticus ma utilosus po agiudai is citadinus cun esercitatzionis, problemas pràtigus de arresòrviri e arrexonus de fàiri, in manera de umperai a

sa mellus manera sa formatzioni in preséntzia, fintzas umperendi is autovalutatzionis e is materialis chi s'agatant in su situ de "Repubblica Digitale".

Sighendi custu acàpiu, s'ant a agatai àterus aggiornamentus, calendàrius de is cursus e materialis didàticus


<https://repubblicadigitale.gov.it/servizi/digitalefacile> .



REGIONE AUTÒNOM  
DE SARDIGNA  
REGIONE AUTONOM  
DELLA SARDEGNA



# PUNTO DIGITALI FACILI



## PO CALIS SERVÌTZIUS POTZU PEDIRI AGIUDU ?

- Ativatzioni SPID e CIE
- Prenotazioni abbisitas mélicas
- Intrada e ghia peri is situs de sa Pùblica Amministratzioni (INPS, A. Intradas, IO...)
- Ativatzioni e ghia a is pagamentus PagoPA
- Ativatzioni de sa mail o de sa pec
- Iscritzioni a iscolas, cursus e cuncursus
- Iscarrigai e umperai App, naigai in sa retza cun Pc o telefoneddu
- Formatzioni a indonu po totu is citadinus e medas àterus servìtzius!



**Comunu de Gergei, Bia G. Marconi 65**  
facilitatoredigitalegergei@gmail.com



Finanziato  
dall'Unione europea  
NextGenerationEU



REPUBBLICA  
DIGITALE



DIPARTIMENTO  
PER LA TRASFORMAZIONE  
DIGITALE